

## **К ОПУБЛИКОВАНИЮ**

### **КОМИ РЕСПУБЛИКАСА ЮРАЛЫСЬЛӨН**

### **ИНДӨД**

#### **Коми Республикаса Көрткерөс районлөн Шойнаты сиктын торъя мутасын лэбачьяслөн зэв патогенной грипп серти дзескөдан мероприятияяс (карантин) урчитөм йылысь**

«Ветеринария йылысь» Россия Федерацияса Оланпаслөн 3<sup>1</sup> да 17 статьяяс, «Пемосьяслөн вуджан, сы лыдын торъя өпасной, висьомьяслысь, кутшөмьяс серти вермөны урчитны дзескөдан мероприятияяс (карантин), лыддьөг вынсьөдөм йылысь» Россия Федерацияса видз-му овмөс министерстволөн 2011 во öшым тöлысь 19 лунся 476 №-а да «Öлөдан, диагностика вöчан, дзескөдан да мукөд мероприятие збыльмөдан, карантин да мукөд дзескөдөм, кутшөмьясөс веськөдөма сы вылө, медым видзчысьны лэбачьяслөн зэв патогенной грипп паськалөмысь да бырөдны висьманіньяссө, урчитан да дугөдан ветеринарной правилöяс вынсьөдөм йылысь» Россия Федерацияса видз-му овмөс министерстволөн 2021 во рака тöлысь 24 лунся 158 №-а тшöктөдьяс серти (водзö – Ветеринарной правилöяс), «Коми Республикаса Көрткерөс районлөн Шойнаты сиктын торъя мутасын лэбачьяслөн зэв патогенной грипп серти дзескөдан мероприятияяс (карантин) урчитөм йылысь» Коми Республикаса видз-му овмөс да потребительскöй рынок министрлөн 2023 во ода-кора тöлысь 19 лунся представление подув вылын шуа:

1. Урчитны Коми Республикаса Көрткерөс районлөн Шойнаты сикт мутасын лэбачьяслөн зэв патогенной грипп серти дзескөдан мероприятияяс (карантин) 2023 вося ода-кора тöлысь 19 лунсянь лэбачьяслысь зэв патогенной грипп бырөдан мероприятияяс нуöдны помавтөдз период вылө.

2. Дзескөдан мероприятияессө (карантинсө) колө дугөдны Ветеринарнөй правилөясөн урчитөм мероприятияес нуөдөм бөрын.

3. Урчитны, мый лэбачьяслөн зэв патогеннөй гриппөн эпизоотическөй висьманінөн лоө Коми Республикаса Көрткерөс районлөн Шойнаты сиктын торья мутас 61.938186 войвыв широта, 52.320168 асыввыв долгота географическөй координатьяссянь 5 метра радиусын.

4. Урчитны өпаснөй зона мутасын, мый лоө веськыда орччөн эпизоотическөй висьманінкөд эпизоотическөй висьманінлөн мудорьяссянь 5 километрөдз радиусөн, эпизоотическөй лоөмтор, месталысь ландшафтын да географияын аслыспөлөслуньяссьө, тайө зонаын меститчысь олан пунктьяс, овмөсьяс костын овмөс, транспорт да мукөд йитөд төд вылө босьтөмөн.

5. Урчитны видзөдан зона мутасын, мый лоө орччөн өпаснөй зонакөд 10 километрөдз радиусөн, эпизоотическөй лоөмторсө, месталысь ландшафтын да географияын аслыспөлөслуньяссьө да тайө зонаын меститчысь олан пунктьяс, овмөсьяс костын овмөс йитөдьяс төд вылө босьтөмөн.

6. Дугөдны дзескөдан мероприятияеслөн (карантинлөн) вына период вылө:

а) эпизоотическөй висьманінын:

висьысь лэбачьясөс бурдөдөмсө;

бокөвөй йөзөн мутасө волөмсө, уджалысьяс кындзи, кодьяс збыльмөдөны производственнөй (технологическөй) операцияяс, сы лыдын лэбачьясөс видзөм серти, канму ветеринарнөй службаса специалистьяс да висьманін бырөдны корөм уджалысьяс, йөз кындзи, кодьяс олөны да (либө) недыр кад кезлө воисны мутасө, кодөс шуөма эпизоотическөй висьманінөн;

лэбачьяс, пөжан кольк вайөмсө да нуөмсө;

лэбачьясөс мөдлаө вуджөдөмсө да выль пөв группируйтөмсө;

начкан прөдуктьяс могысь лэбачьяс начкөмсө;

лэбачьясөс начкан прöдуктьяс да пöтка видзан мукöд продукция нуöмсö;

став сикас пемöслы вердас нуöмсö, кытчö вермисны инмывлыны висьысь лэбачьясыс;

кувсьöм лэбачьяслысь гөн да пух куштöмсö;

инвентар да мукöд материально-технической средство нуöмсö, кутшöмьясö вермисны инмывлыны висьысь лэбачьясыс;

лэбачьясö лэдзавлöмөн видзöмсö;

пöжöм вылö колькьяс пуктöмсö;

транспорт средствояслысь пырöмсö да петöмсö (транспорт средствояс кындзи, кутшöмьясөн вöдитчöны эпизоотической висьманінсö бырöдöм серти мероприятиясын да (либö) йöзлысь уджсö могмöдигөн, кодьяс олöны да (либö) недыр кад кежлö воисны овмöс мутасö);

лэбачьясöс кыйöмсö, кутшöмьясöс пыртöма кыйсян-вöралан озырлун лыдö, кыйсян-вöралан озырлунлысь лыдсö ладмöдöм могысь кыйсьöм кындзи;

б) öпасной зонаын:

лэбачьясöс да пöжан кольк вайöмсö да нуöмсö;

лэбачьяслы кöрым дасьтöмсö да нуöмсö;

лэбачьясöс лэдзавлöмөн видзöмсö;

видз-му овмöс ярмангаяс, выставкаяс, вузасьöмьяс да мукöд мероприятие нуöдöмсö, кутшöмьяс йитчöмаöсь лэбачьясöс да мукöд сикас пемöсьясöс вуджöдöмкöд, новлöдлöмкöд да чукöртöмкöд;

лэбачьясöс кыйöмсö, кутшöмьясöс пыртöма кыйсян-вöралан озырлун лыдö, кыйсян-вöралан озырлунлысь лыдсö ладмöдöм могысь кыйсьöм кындзи.

7. Урчитны, мый лэбачьяслөн зэв патогенной гриппөн висьманін бырöдöм серти торья мероприятиясö, кутшöмьясöс урчитöма Россия Федерацияса ветеринарной оланпастэчасөн, збыльмöдöны Ветеринарной правилöяс серти.

8. Коми Республикаса видз-му овмӧс да потребительскӧй рынок министерстволы вынсьӧдны лӧбачьяслысь зэв патогеннӧй грипп бырӧдӧм да висьӧм босьтчӧдысьлӧн паськалӧмысь видзчысьӧм серти мероприятиеяслысь план.

9. Тайӧ Индӧдыс вынсялӧ сійӧс официальнойӧ йӧзӧдан лунсянь.

Коми Республикаса Юралысь

В. Уйба

Сыктывкар

2023 вося ода-кора тӧлысь 19 лун

53 №